

ΟΥΘΟΣ ΟΥΤΟΣ ΗΝ ΕΝ ΑΙΩΝΗ ΠΡΟΣ ΤΟ



HOOFSTUK 12:
AAN ALMAL OOR DIE HELE
WÊRELD

χωρίς αμαρτίας εν αὐτῷ ζῶντες



Die Christene het vir hul lewens gevrees en het in die geheim bymekaar gekom waar hulle saam die Woord gelees, geluister en lofsange gesing het.

Liewe vriende ons Here het gely om ons sondes weg te neem en daarom sal ons moontlik ook moet ly. Moenie verbaas wees oor die vervolging wat ons gaan ervaar nie.

Jesus het gesê, "As iemand agter My aan wil kom, moet hy homself verloën en sy kruis opneem en My volg." Dit beteken dat as ons geroep word om ons kruis tot by Golgota te dra, ons dit moet doen. In Psalm 22 lees ons...



Mag God ons help. Dit is Saulus, die moordenaar.

Bly waar julle is!
Hierdie vreemde geloof sal nie toegelaat word nie. Julle belaster ons vaders en die wette van ons volk. **Julle is dwase!**
Bekeer julle of sterf.

Gryp hul leier en maak van hom 'n voorbeeld.



Ons het al meer Messiasse gehad as wat ons nodig het. Hoekom aanbid julle 'n **dooie timmerman**?

Ons Here Jesus **lewe** en Hy is die skepper van die heelal.

Jy sal dalk jou deuntjie verander wanneer ons jou **vrou** in die tronk stop.



Nee!
Nie my vrou nie!

Doef!





Saulus, nou Paulus, was 'n nuwe man met 'n nuwe boodskap. Hy wou nie verder Christene vervolg en doodmaak nie. Hy wou ander ooreed om in Jesus Christus te glo.

Ek kan verstaan dat julle twyfel. Ek het ook nie geglo nie, maar ek sê vir julle, Jesus van Nasaret het die eeu-oue profesie aangaande ons Messias vervul.

Jy is dwaas om dit te glo. Hoe kon die Messias toelaat dat Hy deur ons vyande doodgemaak word?

Hy was die **am** van God wat ons sondes weggeneem het.

Die belangrikste bewys is dat God Hom uit die dood opgewek het.

God het ook na die Heidene uitgereik. Daar was 'n Romeinse soldaat wat in gebed na die waarheid en meer oor God gesoek het.

God, ek weet U is God, die skepper van die mens. Die godsdiens van my volk is sleg en dit bring geen vrede nie. Leer my U weg en ek sal daarin wandel.

Wie? Wat? **Wie** is jy? **Waar** het jy vandaan gekom?

God het my gestuur want jou gebede is verhoor. Stuur manne na Joppe na die huis van Simon, die leerlooier. Sy huis is langs die see. Daar moet jy vra na die man, Petrus. Hy sal hierheen kom en jou die waarheid oor God vertel.

God het vrede bewerk deur Sy bloed aan die kruis te vergiet.

Ons meester, Petrus, is 'n baie godsdiensige man, 'n goeie man, maar hy is bekommerd oor baie dinge. Hy is gedurig in gebed en gee geld aan die armes, maar hy het nie vrede met God nie.

Wat beteken dit?

Ek sal dit aan jou kaptein verduidelik.



Die kaptein ontmoet Petrus by die deur en kniel voor hom.

Staan op. Moenie eerbied aan my toon nie. Ek is 'n man net soos jy. Roep almal bymekaar en ek sal die goeie nuus met julle deel.



Hierdie is 'n **grootse** dag. God het Petrus, een van Jesus se dissipels, na ons gestuur om ons van Hom te vertel.

Ja, ek het drie en 'n half jaar saam met Jesus gewandel. Ek het gesien hoe hulle Hom kruisig en ek het Hom gesien nadat hy uit die dood opgestaan het. Daar was 500 van ons in een plek bymekaar om Hom na Sy opstanding te hoor preek. Hy het met ons geëet en ons het aan hom gevat. Hy het ons geleer om ons vyande lief te hê en om te bid vir diegene wat ons vervolg. Hy het **S** Geesgestuur.....



Kaptein Cornelius en sy hele huishouding het die evangelie van Jesus Christus geglo en hulle was almal daardie selfde dag gedoop.



Op die Sabbatdag het Paulus in die sinagoge te Antiochië vir die Jode gaan preek.

Julle ken my. Ek het Christene tot die dood toe vervolgt. Maar toe, in 'n verblindende lig en met 'n stem soos donderslae, het Jesus aan my verskyn en gesê dat ek Sy Woord moet uitdra. Ek het die Heilige Skrifte deursoek en gevind dat Jesus al die Messiaanse profesieë vervul het.

God het gesê dat Hy 'n seun van **David** sou oprig om die **Redder** van Israel te wees en dat die leiers in Jerusalem Hom tot die dood sou veroordeel.

In die tweede Psalm staan dit so geskryf, "U is my Seun, vandag het Ek self U gegeneer."



In 'n ander Psalm lees ons dat God nie sal toelaat dat Sy Heilige Een verderf sien nie. Dit is 'n profesie dat alhoewel Hy sou sterf, Sy liggaam nie sou bederf nie. Laat dit bekend gemaak word dat jy volkome vergifnis van sondes in Jesus kan vind, iets wat Moses nie kon gee nie.




God het Jesus gestuur om 'n lig vir die nasies te wees, die **Redder** van alle **Heidene**.

Heidene! Heidene is onrein. Hulle kan nie deel in die Joodse geloof nie.

Jy laster! Jesus was 'n buite egtelike seun. Bewerings is dat sy moeder lank voordat sy getroud was, reeds swanger was.

Hierdie kettery sal veroorsaak dat jy gestenig word.

Aangesien julle die goeie nuus van die ewige lewe verwerp, sal ons die boodskap aan die **Heidene** uitdra, net soos die profete voorspel het.





Maar, God het 'n wonderwerk verrig en Paulus opgewek.

Paulus, ek het gedink jy is dood!

Nog nie, maar God het aan my baie beproewings gewys wat ek in Sy naam sal moet deurmaak en ons het maar nog net **begin**. Laat ons weer na die stad terugkeer.




Here U is waardig om al die eer en lof te ontvang.

In Filippi in Macedonië was Paulus en Silas, 39 houe geslaan en in die tronk toegesluit. Ten spyte van die lyding, was hul harte vol blydskap en teen middernag het hulle steeds gebid en God met lofsange geprys.



Auuww!!
Jesus is die Here!



WHOEPS!

In die daaropvolgende jare was Paulus by drie verskillende geleenthede met stokke geslaan. Tog het hy aangehou om oor Jesus te preek.



Paulus het van plek to plek gereis en gepreek en by drie verskillende geleenthede, het die skip waarop hy gevaar het, gesink.

Eenkeer het hy 'n hele dag en nag lank in die see rondgedryf voordat 'n verbykomende skip hom gered het.



Paulus was gereeld deur rowers aangeval.

Maar hy het net aanhou preek.



Terwyl Paulus die wêreld deurgereis het, het hy ten spyte van siekte, koue, hitte, hongers en baie ongerief, nooit gestaak om mense van Jesus te vertel nie.

Here, genees asseblief hierdie liggaam, sodat ek in die volgende stad kan gaan preek.



Paulus het van stad tot stad gegaan en mense gewaarsku teen afgodery en die goeie nuus van Jesus Christus versprei.

Julle het van julle afgode weggedraai en in geloof tot God bekeer. God het julle deur geloof geregverdig en dit sonder enige bydrae deur die wet. Nou is julle lede van Sy liggaam en daarom familie van God.

Prys God!



Hierdie goed het my tog nooit vrede gebring nie.

Wanneer mense na God gedraai het, was hulle afgode en gelukbringers vir hulle waardeloos. Hulle het alles wat sondig was, of iets met afgodsdienste te doen gehad het, verbrand. Binne twintig jaar, was daar gelowiges oor die hele bekende wêreld wat, deur Jesus Christus, God aanbid het.



Jesus het die dissipels gewaarsku; " Dan sal hulle jul aan verdrukking oorgee en julle doodmaak; en ter wille van my Naam sal julle deur al die nasies gehaat word. En dan sal baie tot struikel gebring word en mekaar verraai en mekaar haat. En baie valse profete sal opstaan en baie mense mislei."

Toe die wat Christus gesien het, oud geword het en die kerk oor die hele Romeinse Ryk versprei was, het die Romeine begin om die Christene tot die dood toe te vervolg. As die gelowiges nie Christus verloën het nie, was hulle in die arena voor die honger leeus en tiere gegooi en die mense het toegekyk hoe hulle in stukkie verskeur was.

Here Jesus, ontvang my gees!

Vader moet hulle nie straf vir wat hulle aan ons doen nie.



GGRRR!

IEEEE!



Partykeer was die Christene deur die Romeinse soldate doodgekap. Die mense was verbaas dat die gelowiges nie hul geloof wou verloën nie. Hulle was bereid om vir Jesus te sterf.

Jason, ek sal jou in die paradys sien.

Nee!



Voor Sy dood, het Jesus oor die tempel geprofeteer:

Sien julle hierdie tempel? Ek sê vir julle dat dit vernietig sal word en nie een steen sal op 'n ander steen bly staan nie.

Veertig jaar later, in 70 n.C., het die Romeine die stad en die tempel vernietig. Die hout in die tempel het gebrand, die goud het gesmelt en het deur die krake tussen die stene ingeloop tot in die fondasies. Die Romeine het die goud probeer herwin deur die stene op te lig en te verwyder en so is Jesus se profesie vervul.

Die Jode uit Jerusalem en Israel wat, die oorlog oorleef het, het na die heidenlande gevlug waar baie van hulle nageslagte vandag nog leef.



Die Christen Jode het ook na ander lande gevlug waar hulle die evangelie van Christus verkondig het en so het die kerk gegroei.

Ons kan na my broer se huis in Sirië vlug.

Waarheen hulle ook gevlug het was daar reeds Christene om hulle te verwelkom.

Ons het nie geweet waar om te gaan nie.

Ons het gehoor van die vreeslike dinge wat in Jerusalem gebeur. Natuurlik kan julle by ons bly.

Jesus se apostels het tot op die einde aangehou om die opstanding van Jesus Christus te verkondig. Een vir een was hulle doodgemaak. Hulle almal het dapper gesterf met die wete dat daar vir hulle 'n beter woning in die Hemel wag.

Ander se ingewande was lewend uitgesny en dan was hulle vêrder in stukke gesny.

Hulle ingewande was lewend uitgesny en dan was hul liggame in stukke gekap.

Sommige was gestenig.

Ander was aan wilde diere gevoer.

Sommige onthoof.

Petrus was onderstebo gekruisig.

Sommige was stadig in olie gekook.

Ek is na 'n beter plek op pad. Mag God julle vergewe

Ek is dit nie waardig om soos U gekruisig te word nie, my Heer.

Hulle het almal met die wete en in geloofsvertroue, dat daar 'n nuwe liggaam en beter woning op hulle wag, gesterf.

Sestig jaar na Jesus se opstanding, was Johannes die enigste oorlewende apostel. Deur die Gees was Johannes na die hemel opgeneem waar God die toekoms aan hom gewys het.

Johannes, ek sal jou die dinge wys wat in die toekoms gaan gebeur. Skryf wat jy sien in 'n boek en stuur dit aan die sewe kerke in Asië.

Aan die einde van hierdie era, sal Jesus terugkom en die grafte van almal wat Sy kinders is, sal oopgaan. Hulle sal opstaan om Jesus in die lug te ontmoet en vir ewig met Hom wees.

In hierdie eindtyd, sal God verskriklike tragedies oor die aarde bring. Vuur sal uit die lug neerval en amper al die mense op aarde sal deur plaë en siektes uitgewis word.

'n Man sal kom en beweer dat hy die Messias is, en hy sal baie mense mislei. Hy sal veroorsaak dat mense hulle getrouheid aan hom en sy regering bewys deur 'n merk op hulle voorkoppe of op die agterkant van hulle regterhande te ontvang.

Die wat nie die merk ontvang nie sal onthoof word. Dit sal 'n tydperk van ontsettende lyding, vir die wat op aarde agtergebly het, wees.

Soos dit voorspel was, sal Jesus aan die einde van die tyd terugkeer.

Hy sal in Sy volle mag en glorie terugkeer. Die hemele sal oopgaan en Hy sal neerdaal op die rug van 'n wit perd.

Soos die son sal Hy skyn en op sy hoof sal daar baie krone wees. Sewe sterre sal Hy in sy hand vashou en uit sy mond kom die swaard van die waarheid.


Hy sal Satan uitdaag en hom in die poel van vuur werp waar hy vir ewig smarte sal smaak en nooit weer die mens sal verlei nie. Daarna sal Jesus ook die dood, die laaste vyand, in die poel van vuur werp en dan sal daar 'n nuwe aarde in bestaan kom.

Almal wat in die Seun geglo het, sal God bymekaar maak en hulle sal die ewige lewe in 'n nuwe aarde ontvang. Die Here sal al die trane afdroog en daar sal geen dood meer wees nie. Hartseer, trane and pyn sal van die verlede wees. Jesus sal as Koning en as die Redder van Sy geregverdigde volk regeer in 'n wêreld sonder sonde of dood.



Vir 2000 jaar word die evangelie van Jesus Christus al verkondig. Jesus het voorspel dat die boodskap van Sy koninkryk oor die hele wêreld sal versprei totdat elke nasie, stam en familiegroep die goeie nuus gehoor het.

Daar is net een ware geloof wat God deur sy Woord aan die wêreld gegee het. Net een weg tot lewe na die dood. Jesus is die enigste weg, die waarheid en die lewe. Hierdie waarheid word deur vele mense van talle volke en nasies geglo.



Die evangelie van Christus is anders as al die ander godsdienste van die wêreld, aangesien dit nie deur dwang of intimidasie versprei word nie. Jesus het Sy volgelinge geleer om hulle vyande lief te hê en om met vreugde en lofsange gevul te wees. Vandag is daar groot vreugde by gelowiges van alle nasionaliteite en tale, oor hul vergifnis van sonde en die toekomstige ewige lewe.

Alhoewel dit amper 2000 jaar sedert Jesus se opstanding uit die dood is, is daar steeds mense wat nie die goeie nuus gehoor het nie. Iemand moet hulle gaan vertel.



Gedurende 1999 het 'n groepie besorgde Christene bymekaar gekom en beplan hoe hulle die Goeie Nuus kon versprei. Die behoefte was om aan alle volke en in al die tale van die wêreld, die evangelie boodskap uit te dra.

Hulle het besluit dat die beste benadering sou wees om 'n prentebok te ontwerp wat die Bybel Boodskap op so 'n wyse sal uitbeeld dat almal dit sal kan verstaan.



Nadat die teks geskryf was, het hulle Danny Bulanadi, een van die wêreld se vooraanstaande prentebok kunstenaars, gekontrakteer om die prentjies te teken.



Dit het meer as sewe jaar geduur om die teks te skryf, die prente te teken en die boek te publiseer.

Hierdie boek wat jy nou net gelees het, word nou vervaardig en versprei in baie tale regoor die wêreld - besorgde Christene betaal om die boek te publiseer en te versprei.



Christene regoor die wêreld spandeer hulle eie geld en tyd om hierdie boek in die hande te besorg van baie wat nog nie die goeie nuus van Jesus gehoor het nie.

Hoe gaan dit met jou, my vriend? Ek het 'n boek wat ek graag vir jou wil gee. Dit vertel van hoe jy van al jou sondes vergewe kan word en wanneer jy eendag sterf hoe jy die paradys kan binnegaan.

Ek vra niks daarvoor nie. Dit is 'n geskenk.

Ek kan nie daarvoor betaal nie.



Hoekom gee jy my iets verniet?

Omdat ek jou lief het, my vriend, en hierdie boek bevat baie goeie nuus.

Dan sal ek dit maar lees en sien of daar nog enige goeie nuus in die wêreld oor is.



Die volgende dag.

My godsdiens het my nog nooit so iets vertel nie. Hierdie is alles omtrent liefde en vergifnis.

Ek weet dit is waar! Ek het teen God gesondig, maar Hy het Sy seun gestuur om vir my sondes te sterf! Hoe verbasend en wonderlik!



Liewe Jesus,
dankie dat U my lief het
en dat U in my plek gesterf
het. Ek wil vir die res van
my lewe net U volg.



Ek is
vergewe! God
leef nou in my!



Vrou, die wonderlikste ding het gebeur,
'n man wat ek nog nooit gesien het nie, het
aan my hierdie boek gegee. Dit vertel die
storie van hoe God as 'n man aarde toe
gekem het en ons sondes weggeneem het.

Sal jy dit
vir ons lees,
Mohamed?

Kan ek
dit lees Pappa?
Kan ek?



Die deel oor
Abraham en **Moses** ken
ons reeds. Maar die skrifte
van ons godsdiens het ons nooit
die res van die storie vertel nie.
God het Sy seun Jesus gestuur
om Sy bloed te vergiet om vir
ons sondes te betaal.


Kan vroue, net
soos mans, vergewe
word en in God se
familie aanvaar word?

Ja. Jesus
verwelkom almal.



Ander het die vrede gesien wat oor
die Raoul familie gekem het en wou
ook hierdie wonderlike nuus hoor.

Hierdie is
inderdaad wonderlike
nuus. Ek gaan my familie
bring om ook te hoor.



Gou het Mohamed sy
prentjieboek aan amper almal
in sy dorpie voorgelees. Maar
Mohamed wou meer weet.







Wie is jy om teen ons godsdienste te praat? Jy preek van hierdie vreemde godsdienste uit Amerika. Dit is die godsdienste van die kapitaliste wat ons wil onderdruk.

Here, help hulle om die waarheid te sien.

Ek het nog nooit 'n Amerikaner ontmoet nie en verder kom **Jesus** vanuit die ooste, net soos ons. Tog is Hy die Seun van God wat uit die hemel neergedal het om die ewige lewe aan die hele wêreld te gee.



Hierdie buitelandse godsdienste is besig om te versprei. Daar moet 'n einde aan gebring word. Ons sal vanaand op hulle toesak, terwyl hulle sing.



Dit sê in die boek van Mattheüs dat soos hulle die **Meester** vervolg het, hulle ook Sy dienaars sal vervolg.

Maar Hy sê dat ons moet jubel en baie bly wees wanneer hulle ons vervolg, want **groot** is ons beloning in die Hemel.



Here, help ons!

Hardlop, vinnig, uit!

AAIII!



Moet nie toelaat dat een ontsnap nie!





Die engel het Mohamed kom haal en na die paradys geneem.

Waarheen neem jy my? Ek is dan dood. Ek is veronderstel om in 'n nuwe gedaante terug te keer.

Re-inkarnasie is 'n leun. Jy gaan nou veroordeel word.



Jy het leuens vertel en my nooit geken nie. Jy het nie jou naaste liefgehad nie en jy was ook nie barmhartig teenoor jou vyande nie. Jy was selfsugtig en lui. Jou hart is vol trots. Jou lewe is beëindig deur jou eie haat.

Jy is die ewige lewe nie werd nie. Gooi hom in die buitenste donkerte.



Nee, nie nog vuur nie!



Wel gedaan, my goeie en betroubare dienaar! Jy mag nou in my blydschap deel. Ek het vir jou 'n tuiste voorberei.

Maar Here, wat van my familie?

Hulle sal later by jou aansluit. Ek het eers nog werk vir hulle om te doen.



Maar wat van die res van my volk wat nog nie gehoor het nie?

Daar is baie Christene wat hulle sal vertel. En as hulle glo, sal hulle ook gered word. Maar as hulle nie wil nie...